

Kerjasama strategik dengan UPM dan Agrobank

KEMENTERIAN Pertanian dan Industri Asas Tani menjalin kerjasama strategik dengan Bank Pertanian Malaysia Berhad (Agrobank) dan Universiti Putra Malaysia (UPM) bagi meningkatkan daya saing sektor agromakanan negara.

Majlis ini disaksikan menterinya, Datuk Seri Noh Omar semasa majlis penutup Konvensyen Jaminan Bekalan Makanan Negara di Tapak Ekspo Pertanian Malaysia (MAEPS) Serdang.

Kerjasama antara Majlis Latihan Pertanian Kebangsaan (NATC) dengan Agrobank membolehkan pelajar mendapat manfaat daripada peruntukan dana berjumlah

RM20 juta untuk pembiayaan projek *MyAgrosis*.

Di samping itu, Agrobank juga akan membangunkan program dan modul latihan dalam penguasaan kewangan dan bidang yang bersesuaian untuk meningkatkan pengetahuan usahawan tani.

Sementara itu, kerjasama dengan Institut Kajian Dasar Pertanian dan Makanan UPM merangkumi beberapa program penyelidikan ke arah menjamin bekalan makanan, meningkatkan sumber industri agromakanan dan memberi tumpuan kepada bidang pertanian bernilai tinggi seperti industri burung walet, ikan hiasan, rumpai laut dan florikultur.



KETUA Setiausaha Kementerian Pertanian dan Insuatri Asas Tani, Datuk Mohd. Hashim Abdullah (dua kiri) bertukar dokumen dengan Presiden merangkap Ketua Pegawai Operasi Agrobank, Datuk Wan Mohd Faszmi Wan Othman.